



Tel: 035/668 650  
Fax: 035/668 672

A. Izetbegovića 60-2. 75246 Čelić  
E-mail: [info@opcinacelic.ba](mailto:info@opcinacelic.ba)

Broj: 02-45-2102/22

Čelić, 06.09.2022. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-2102/22 od 06.09.2022.godine, u postupku javne nabavke radova „Proširenje postojeće Javne rasvjete u Mjesnim zajednicama na području općine Čelić“, Općinski načelnik donosi:

### **ODLUKU** *o izboru najpovoljnijeg ponuđača*

#### **Član 1.**

Prihvata se Preporuka Komisije za javnu nabavku broj: 02-45-2102/22 od 06.09.2022.godine i Ugovor o izvođenju radova „Proširenje postojeće Javne rasvjete u Mjesnim zajednicama na području općine Čelić“, dodjeljuje se ponuđaču „CONRAM“ d.o.o. Brčko, ponuda broj: 118-01/22, zaprimljena na protokol ugovornog organa dana 22.08.2022.godine, po ponuđenoj cijeni, a nakon održane e-aukcije, u iznosu od 130.880,00 KM bez PDV-a.

#### **Član 2.**

Obavezuje se ponuđač iz člana 1.ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u Tenderskoj dokumentaciji broj: 02-45-2102/22 od 25.07.2022.godine.

#### **Član 3.**

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

#### **Član 4.**

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-45-2102/22 od 20.07.2022.godine. Javna nabavka radova „Proširenje postojeće Javne rasvjete u Mjesnim zajednicama na području općine Čelić“ provedena je putem otvorenog postupka. Procijenjena vrijednost javne nabavke iznosila je 131.000,00 KM bez

PDV-a. Obavještenje o nabavci broj: 306-1-3-97-3-28/22 objavljeno na Portalu javnih nabavki dana 26.07.2022.godine.

Komisija za javne nabavke imenovana Rješenjem broj: 02-45-2102/22 od 20.07.2022.godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-2102/22 od 23.08.2022.godine, Preporuku o izboru najpovoljnijeg ponuđača broj: 02-45-2102/22 od 06.09.2022.godine i Izvještaj o radu komisije broj: 02-45-2102/22 od 06.09.2022.godine.

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristiglo ukupno pet ponuda i to: Grupa ponuđača: „ELEKTROCENTAR PETEK“ d.o.o. Tuzla i „KALELEKTRIK“ d.o.o. Živinice. „SAŠA TRADE“ d.o.o. Doboj, „CONRAM“ d.o.o. Brčko, Grupa ponuđača: „ERING“ d.o.o. Živinice; „KOP I KO“ d.o.o. Živinice; „ELVIK“ d.o.o. Srebrenik i „NEXEN“ d.o.o. Banja Luka,
- da je blagovremeno primljeno pet ponuda,
- da nije bilo neblagovremeno primljenih ponuda,
- da ponude ponuđača Grupa ponuđača: „ELEKTROCENTAR PETEK“ d.o.o. Tuzla i „KALELEKTRIK“ d.o.o. Živinice. „SAŠA TRADE“ d.o.o. Doboj, „CONRAM“ d.o.o. Brčko i „NEXEN“ d.o.o. Banja Luka, ispunjavaju kvalifikacione uslove predviđene Tenderskom dokumentacijom, te su ocijenjene kao kvalifikovane i prihvatljive,
- da ponuda Grupe ponuđača: „ERING“ d.o.o. Živinice; „KOP I KO“ d.o.o. Živinice; „ELVIK“ d.o.o. Srebrenik ne ispunjava kvalifikacione uslove predviđene Tenderskom dokumentacijom, te je ocijenjena kao neprihvatljiva.

Pregledom i ocjenom ponude uočene su računске greške kod ponuđača „SAŠA TRADE“ d.o.o. Doboj i Grupa ponuđača: „ELEKTROCENTAR PETEK“ d.o.o. Tuzla; „KALELEKTRIK“ d.o.o. Živinice te su istim dostavljeni Zahtjevi za prihvatanje ispravke računске greške, broj: 02-45-2102/22 od dana 23.08.2022. godine i 30.08.2022.godine.

Saglasnost za prihvatanje ispravke računске greške od strane „SAŠA TRADE“ d.o.o. Doboj broj: 30-08/2022 od dana 31.08.2022. godine dostavljena je u ostavljenom roku.

Saglasnost za prihvatanje ispravke računске greške od strane Grupa ponuđača: „ELEKTROCENTAR PETEK“ d.o.o. Tuzla; „KALELEKTRIK“ d.o.o. Živinice od dana 02.09.2022. godine dostavljena je u ostavljenom roku.

Pregledom i ocjenom ponuda utvrđeno je da u ponudi Grupe ponuđača: „ERING“ d.o.o. Živinice; „KOP I KO“ d.o.o. Živinice; „ELVIK“ d.o.o. Srebrenik nisu dostavljeni dokazi u skladu sa tačkom 4.1. Tenderske dokumentacije. Naime, Tačkom 4.1. Tenderske dokumentacije u dijelu -Ponuda mora sadržavati najmanje, tačka h) zahtijevano je, između ostalog i sljedeće: h) Popunjen i potpisan predmjer radova Aneks 9. Na stranici 23. TD - ANEKS 2- OBRAZAC ZA CIJENU PONUDE navedeno je sljedeće: -Sastavni dio ovog obrasca je predmjer radova popunjen od ponuđača, potpisan i ovjeren. Na stranicama 6.,7.i 8. ponude ponuđača je Predmjer radova (Proširenje postojeće Javne rasprave u Mjesnim zajednicama na području općine Čelić), a ponuđač je propustio da potpiše i ovjeri predmjer radova, te na taj način postupio suprotno zahtijevanom iz tenderske dokumentacije. Članom 57. stav (1) ZJN propisano je da se u postupku javne nabavke kandidat / ponuđač pridržava zahtjeva i uslova iz tenderske dokumentacije. Imajući u vidu navedeno, Komisija je

jednoglasno odlučila da ponuda Grupe ponuđača: „ERING“ d.o.o. Živinice; „KOP I KO“ d.o.o. Živinice; „ELVIK“ d.o.o. Srebrenik nije potpuna i ne ispunjava zahtjeve iz Tenderske dokumentacije, te je ocijenjena kao neprihvatljiva i u skladu članom 68. Stav (4) tačka i) Zakona o javnim nabavkama je odbačena.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 06.09.2022. godine u 10:00 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije 06.09.2022. godine u 10:15 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljniji ponuđač „CONRAM“ d.o.o. Brčko sa najnižom ponuđenom cijenom od 130.880,00 KM bez PDV-a.

Komisija je nakon ocjene ponuda i izvršene e-aukcije dana 06.09.2022. godine dala preporuku ugovornom organu da ugovor o izvođenju radova zaključi sa ponuđačem „CONRAM“ d.o.o. Brčko sa najnižom ponuđenom cijenom od 130.880,00 KM bez PDV-a

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

#### **Uputstvo o pravnom lijeku**

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (5x)
2. Komisiji za nabavke
3. Službi za računovodstvene, poslove trezora, privredu i razvoj
4. Za općinsku web stranicu
5. Evidenciji
6. Arhivi